

王狀元集百家注分類東坡先生詩



據中國國家圖書館藏宋建
安黃善夫家塾刻本影印原
書版框高二十·九釐米寬
十三·四釐米



百家註東坡先生詩序



京一五



神宗

西蜀趙公

夔

堯卿撰

昔杜預註春秋左傳顏籀註班固漢書時人謂征南
秘書為立明孟堅忠臣又李善於梁宋之間開文選
學注六十卷流傳於世皆僕所喜而慕之者此注東
坡詩集所以作也東坡先生讀書數千萬卷學術文
章之妙若太山北斗百世尊仰未易可窺測藩籬况
堂奧乎然僕自幼歲誦其詩文手不暫釋其初如涉
大海浩無津涯孰辨淄澠涇渭而魚龍異狀莫識其
名既窮山海變怪然後了然無有疑者崇寧年間

年志於學逮今三十年一句一字推究來歷必欲見
其用事之處經史子傳僻書小說圖經碑刻古今詩
集本朝故事無所不覽又於道釋二藏經文亦常遍
觀抄節及詢訪耆舊老成間其一時見聞之事有得
既已多矣頃者赴調京師繼復守官累與小坡叔黨
遊從至熟叩其所未知者叔黨亦能為僕言之僕既
慕先生甚切精誠感通一日夢先生野服乘驢若世
之所畫李太白者惠然見訪僕方坐一室中書史環
列起而迎見先生顧僕喜曰天下之樂莫大於此了
無它語又一日夢與先生對談因問水仙王事即答

以茫昧之語殊不可曉不知何意也僕於此詩分五十門總括殆盡凡偶用古人兩句用古人一句用古人六字五字四字三字二字用古人上下句中各四字三字一字相對止用古人意不用字所用古人字不用古人意能造古人意能造古人不到妙處引一時事一句中用兩故事疑不用事而是用事疑是用事而不用事使道經僻事釋經僻事小說僻事碑刻中事州縣圖經事錯使故事使古人作用字成一家句灑全類古人詩句用事有所不盡引用一時小話不用故事而句灑高勝句灑明白而用意深遠用字或有未穩無一字無來歷點化古詩拙言間用本朝名人詩句用古人詞中佳句改古人句中借用故事有偏愛之故事有參差之語言詩中自有奇對自撰古人名字用古謠言用經史註中隱事間俗語俚諺詩意物理此其大畧也三十年中殫精竭慮僕之心力盡於此書今乃編寫刊行願與學者共之若乃事有遺誤當俟博雅君子補而鑄之庶俾先生之詩文與充傳漢書文選並傳無窮而僕於杜預顏籀李善三子亦庶幾焉雖然尚有可以言者先生之用事不可謂無心先生之用古人詩句未必皆有意耳蓋胸中

之書汪洋浩博下筆之際不知為我語耶它人之語也觀者以意達之可也

狀元王公

十朋 龜齡 撰

昔秦近君註堯典二字至十餘萬言而君子譏其繁丁子襄註周易一書纔二三萬言而君子恨其畧訓註之學古今所難自非集衆人之長殆未易得其全體况東坡先生之英才絕識卓冠一世平生斟酌經傳貫穿子史下至小說雜記佛經道書古詩方言莫不畢究故雖天地之造化古今之興替風俗之消長與夫山川草木禽獸鱗介昆蟲之屬亦皆洞其機而貫其妙積而為會中之文不啻如長江大河汪洋闊肆變化萬狀則凡涉瀾於一吟一詠之間者詎可以一二人之學而窺其涯涘哉予舊得公詩八註十註而事之載者十未能五故常有窺豹之嘆近於暇日搜索諸家之釋哀而一之剗繁剔冗所存者幾百人庶幾於公之詩有光雖然自八而十自十而百固非畧矣而亦未敢以繁言蓋以一人而肩烏獲之任則折筋絕體之不暇一旦而均之百人雖未能春容乎通衢張王乎大都而北燕南越亦不難到此則百註之意也若夫必待讀遍天下書然後其盡韓公策則又望諸後人焉

百家註分類東坡先生詩姓氏

狀元王公

十朋龜齡纂集



豫章黃氏 庭堅字魯直

黃氏 少度

右山陳氏 師道字無已一字履常號彭城居士

陳氏 希仲

陳氏 元龍

陳氏 體仁

陳氏 德溥

潘氏 大臨字邠老

潘氏 大觀字仲達

謝氏 逸字無逸號溪堂先生

謝氏 邁字幼盤

洪氏 芻字駒父

洪氏 朋字龜父

洪氏 炎字玉父

饒氏 節字德操

臨安李氏 堯祖字唐卿

李氏 彭字商老

李氏 厚字德載

徐氏 俯字師川

徐氏 持晦

東溪詩僧 祖可字正平

汪氏 洋字養源

汪氏 革字信民

汪氏 彥章



汪氏 端本字子之

季氏 錡字希年

晁氏 冲之字叔用

高氏 荷字子勉

韓氏 駒字子蒼

楊氏 符字信祖

夏氏 倪字均父

蘄陽林氏 敏功字子仁蘄州人贈高隱處士

林氏 敏修字子敬

林氏 子來

林氏 明仲

林氏 致約

何氏 覬字人表

真隱詩僧 善權字聖中

曾氏 公衮

秦氏 少儀

蘇氏 養直

元氏 不伐

茗溪胡氏 存

胡氏 邦衡

西蜀趙氏 夔字堯卿前知榮州

西蜀趙氏 次公字彦材

趙氏 若拙

趙氏 元序

建安劉氏 子翬字彥冲號屏山先生

劉氏 珙字共父

沈氏 敦謨

曹氏 夢良

程氏 續字季長

程氏 天祐

永嘉丁氏 鎮叔

丁氏 惠安

漢陽張氏 拭字欽夫號南軒先生

歷陽張氏 孝祥字安國號于湖居士

永嘉張氏 器先

吳氏 憲

吳氏 季南

吳氏 明可

吳氏 少雲

永嘉孫氏 彥忠

西蜀孫氏 倬字瞻民

孫氏 子尚

崔氏 肅之

賈氏 巖老

薛氏 士昭

薛氏 元肅

萬氏 先之

萬氏 申之

萬氏 大年

永嘉甄氏 雲卿

龔氏 實之

芮氏 國器

馮氏 方字圓仲

喻氏 叔奇

毛氏 叔度

朱氏 邦翰

永嘉項氏 用中

西蜀宋氏 援字正輔

宋氏 彦材

周氏 成祖

永嘉葉氏 思文

葉氏 飛卿

鹿氏 伯可

師氏 尹字民瞻

任氏 居實字文孺

傅氏 藻字薦可撰紀年

東萊呂氏 祖謙字伯恭分詩門類

王氏 直方字立之

王氏 性之

永嘉王氏 十朋字龜齡

王氏 壽朋字夢齡

王氏 百朋字昌齡

建安黃善夫刊	于家塾之敬室
--------	--------



百家註分類東坡先生詩姓氏

東坡紀年錄



僊谿傳

藻

編纂



公姓蘇諱軾字子瞻一字和仲眉州眉山縣人也蘇氏出高陽而蔓延於天下唐神龍初長史味道刺眉一子留眉眉有蘇氏自此始公高大父祐曾大父杲大父序三世皆不顯序三子曰澹曰渙曰洵洵字明允公父也澹渙皆以文學舉進士而渙至都官郎中序以渙官故任大理評事致仕累贈尚書職方員外郎明允少不喜學年二十有七始發憤讀書六年而大究六經百家之書娶大理寺丞程文應之女生三子曰景先曰軾曰轍景先早世嘉祐間明允與公同其季子由至京師父子皆知名時號三蘇而以老蘇別其父歐陽文忠公得老蘇著書二十二篇以為荀卿子文也乃繳進之召試紫微閣辭不就遂除祕書省校書郎會修纂建隆以來禮書授霸州文安縣主簿食其祿與陳州項城令姚闢同著太常因革禮一百卷書奏未報卒年五十八英宗聞而哀之特贈光祿寺丞公曾大父以公與子由登朝贈太子太保大父贈太子太傅父贈太子太師程氏追封成國太夫人公娶鄉貢進士王方之女諱弗亦眉人也追封通義郡君繼室以其從女弟諱閏之字季章封同安郡君子三人長曰邁雄州防禦推官知瀛州河間縣次曰迨次曰過皆承務郎孫男十四人篔符箕筌篔篲篔篵篔篹篔篻篔篾有東坡集四十卷後集二十卷奏議一十五卷内外制一十卷責齊安日因宮師之學作易傳九卷又作論語說五卷僭耳又作書傳初公與子由師其宮師最好賈誼陸贄書後讀莊子以為得其心晚讀釋氏書深有所悟參之孔老博辯無礙浩然不見其涯

也宮師公慶曆間官學四方成國夫人親授公書問古今成敗輒能語其要比冠學通經史日數千言嘉祐二年唱第錫宴瓊林與蔣魏公接席情話約卜居陽羨初倅錢塘諉親黨單君貺問田及移臨汝自言有田陽羨建中靖國初奉祠玉局留毗陵居無何請老而終公生岷峨負當世大名道德文學政事輝映今昔自居雪堂遂成求田之計而文登謝表云買田陽羨誓畢此生乃卒如其言夫豈偶然者公之薨也吳越之民相與哭於市君子相與弔於家計聞四方人皆咨嗟出涕太學士人數百相率飯僧惠林佛舍公之於文得之於天山谷嘗評云公文字言語歷劫贊揚有不能盡者

景祐三年丙子

十二月十九日卯時公生於眉山縣紗縠行私第

景祐四年丁丑

寶元元年戊寅

寶元二年己卯

康定元年庚辰

慶曆元年辛巳

慶曆二年壬午

先生七歲

是年公知讀書上韓太尉與梅直講書云某七八歲知讀書祭歐陽文忠公曰某自齟齬以學為嬉童子何知惟公我師晝誦其文夜夢見之

慶曆三年癸未

先生八歲

是年公入小學道士張易簡為師見書陳太初事范文正公文集序曰某始總角入鄉校士有自京師來者以魯人石守道所作慶曆聖德詩示鄉先生某從旁竊觀

則能誦習其詞問先生所以頌十一人者何人也先生曰童子何用知之某曰此天人也邪則不敢知若亦人耳何為其不可先生竒其言盡以告之且曰韓范富歐陽此四人者人傑也時雖未盡了則已私識之矣又曰以八歲知敬愛公

慶曆四年甲申

慶曆五年乙酉

慶曆六年丙戌

慶曆七年丁亥

先生十二歲

是年公祖父亡與曾子固書云某逮事祖父祖父之歿某年十二矣鍾子翼哀詞曰慶曆丁亥某始年十二先君宮師歸自江南曰吾南游至虔有隱君子鍾君與其弟槃從吾游

是年於所居紗縠行宅隙地中與羣兒鑿地為戲得石研而用之且為之銘

慶曆八年戊子

先生十三歲

皇祐元年己丑

皇祐二年庚寅

皇祐三年辛卯

皇祐四年壬辰

皇祐五年癸巳

至和元年甲午

至和二年乙未

是年公至成都樂全先生文集序云某年二十以諸生見公成都公一見待以國士作後正統論

嘉祐元年丙申

先生二十一歲

公自蜀舉進士入京鳳鳴驛記云嘉祐丙申舉進士過扶風六祖禪云嘉祐初舉進士館於興國寺浴堂老僧德香之院范文正公文集叙云嘉祐元年始舉進士至京師牛口見月詩云忽憶丙申年京師大雨滂

嘉祐二年丁酉

先生二十二歲

春赴禮部文忠公知舉患時文以詭異相高思欲救之梅聖俞與其事得公論刑賞以示文忠公公驚喜欲以冠多士疑曾子固所爲子固文忠公門下士也乃寘第二復以春秋義第一文忠公嘗令晁美叔與公定交謂公必名世且以書抵聖俞曰讀軾書不覺汗出快哉快哉老夫當避此人放出一頭地文忠公未嘗以此許人也公上梅直講書云今年春天下之士羣至于禮部執事與歐陽公實親試之誠不自意獲在第二殿試中丙斗升一甲章衡爲榜首賜進士及第遂上所業及上韓魏公富鄭公曾丞相并兩制等書乞應制舉上韓魏公書曰某生二十有二年矣上曾丞相書云某自爲學至于今十有五年祭文忠公曰十有五年乃克見公公爲撫掌歡笑改容此我輩人餘子莫羣我老將休付子斯文四月八日母成國太夫人亡計至公丁憂歸

嘉祐三年戊戌

嘉祐四年己亥

先生二十四歲

公服除冬侍宮師適楚南行前集叙曰己亥之歲侍行適楚時十二月八日江陵驛書是年荊州上王兵部書曰自蜀至楚舟行六十日過郡十一縣二十有六公由水路至嘉州入嘉陵江由瀘渝涪忠夔等州入峽江故作嘉州過宜賓泊斗牛望夫臺仙都觀入峽出峽等

詩自荆門出陸由宜城襄鄧唐許尉氏至京故作涖隔
早發漢水竹葉酒留尉氏阮籍嘯臺許州西湖等詩

嘉祐五年庚子

先生二十五歲

公正月過唐作新渠詩過許見范堯夫文正公文集序
曰其後過許始識公之仲子今丞相堯夫是年入都授
河南府福昌簿不赴

嘉祐六年辛丑

先生二十六歲

是年應制科文忠公薦公秘閣試六論舊不起草故文
多不工公始具草文義燦然時以為難又荅制策復入
三等授大理評事簽書鳳翔府簽判詩序有曰嘉祐六
年予與子由同舉制策寓懷遠驛時年二十有六而子
由年二十有三上吳內翰書云今年春天子將求直言
之士而某適來調官京師舍人楊公不知其不肖而采
其鄙野之文五十篇奏之於天子使與明詔之末上呂
龍圖書云某西蜀之鄙人幼承家訓長知義方粗識名
教遂堅晚節兩登進士舉一中茂材科 冬赴鳳翔任
十一月十九日與子由別於鄭西門之外作詩 十二
月作鳳翔八觀詩其石鼓詩云冬十二月歲辛丑我初
從政見魯叟

嘉祐七年壬寅

先生二十七歲

公在鳳翔 二月分決屬縣囚十三日出府至寶雞號
鄮教塋屋四縣既畢事因朝謁太平宮宿於南溪遂並南
山而西至樓觀大秦寺延生觀仙游潭十九日乃歸所
過作詩又作樓觀等十一題寄子由 七月二十四日
禱兩磻溪宿號縣二十五日渡渭宿於僧舍二十六日
至磻溪自磻溪往陽平二十七日至斜谷由下馬磧懷

趙薦及礪龍寺等詩 重九不與府會獨遊普門寺僧閣有懷子由作詩二十日微雪懷子由作詩 是年作喜雨亭記又答趙薦并魏歲等詩并子由不赴商州及和子由蠶市等詩

嘉祐八年癸卯

先生二十八歲

英宗即位 公在鳳翔覃恩轉大理寺丞 是年作思論 又作授經臺調水符往南溪等詩

治平元年甲辰

先生二十九歲

公在鳳翔磨勘轉殿中丞冬任滿還京至華陰作詩寄子由

治平二年乙巳

先生三十歲

公在京師差判登聞鼓院

仁宗在藩邸聞公名欲以唐故事召入翰林宰相限以近例召試祕閣及試二論皆入三等除直史館 五月二十八日夫人王氏卒六月六日殯于京城外夫人有子邁

治平三年丙午

先生三十一歲

公在京師是年始見范彝叟文正公文集序云又六年始見其叔彝叟京師 四月二十五日丁父官師憂奉柩歸蜀

治平四年丁未

先生三十二歲

神宗即位九月十五日題摹本蘭亭記後

熙寧元年戊申

先生三十三歲

公服除 十月二十六日作四菩薩閣記 是年和子由記園中草木木山引水寄題古東池綠筠堂等詩

熙寧二年己酉

先生三十四歲

還 朝差判官誥院兼尚書祠部 三月送錢藻守婺詩

是年送任伋倅黃王頤赴建董傳留別安惇西歸醉墨堂等詩

熙寧三年庚戌 先生三十五歲

公在京師 三月送劉放倅海陵曾鞏倅越詩 十一月二十日送章子平出牧鄭州作詩及叙 是年送呂希道守和文與可守陵王晦夜坐等詩

熙寧四年辛亥 先生三十六歲

遷太常博士攝開封府推官有能吏聲以言事議論大不協乞外任除通判杭州 五月作張方平赴南京留臺詩又次韻讀杜詩詩 七月二日作渦口遇風詩來陳和舟中八詩至陳同子由過汝陰見歐陽公作石屏燕西湖詩十六日記所見作詩是月作潁州別子由出潁口壽州李少卿出餞濠州七絕泗州塔龜山洪澤遇風廣陵會三同舍遊金山等詩 十一月到杭州作寄子由詩臘月遊孤山訪僧作詩又和李杞并自和

熙寧五年壬子 先生三十七歲

公在杭州 二月作蔡冠卿知饒詩 三月二十二日觀花吉祥寺作牡丹記序并詩 閏七月哭歐陽公於孤山次韻惠思詩是月監試作呈試官煎茶催考校榜出後等詩 八月十日夜登望海樓作詩十七日復登作詩 重九日遊西湖及諸寺所至有詩及不赴府會詩 十月十日作送進士詩序 冬至日遊吉祥寺作詩後十日復至作詩 十二月以事至湖州與孫守約有言及時事者罰一大盞作詩云若對青山談世事直須舉白便浮君又作莘老求墨妙亭詩并記及贈寄等詩畫魚歌 是年作墨寶堂記并和沈立之留別蔡準見邀次

韻子由柳子玉等詩又作送杜子方陳珪戚秉道詩

熙寧六年癸丑 先生三十八歲

公在杭州 正月九日作雜興荅鮮于子駿上元祥符寺
九曲觀燈作詩過僧可久房無燈火作詩二十一日述古
邀城外尋春作詩二十七日遊風水洞作詩又作李佖
留待及和等詩 五月望與呂仲甫輩泛湖留北山作
詩 八月望觀潮作詩又再遊風水洞作詩并臨江仙
九月和劉放詩 十二月與李杞因獵遊孤山作詩 冬
以事至姑蘇為王誨作 仁宗御飛白記又作三瑞堂
詩 是年作和陳述古十月牡丹劉恕見寄錢顛送茶
及寄孫覺等詩 除夜宿常州城外作詩

熙寧七年甲寅 先生三十九歲

元日以事過丹陽作寄魯元翰又柳子玉鶴林招隱并與
子玉景純唱和等詩是月秀州贈錢端公文長老等詩二
十九日過毗陵跋李後主書 五月作錢公輔哀詞又次
韻周郊詩 六月自常潤還所至作詩 秋捕蝗至浮
雲嶺作懷子由詩至於潛作贈毛國華野翁亭綠筠軒
於潛女詩又同年臨安令劇飲并所至諸縣有詩 九月
移知密州是月作勤上人詩集序 十月赴密州早行
馬上作沁園春 十一月三日到任 十二月作鳧繹先
生文集序 是年常潤道中懷述古并合述古詩蘇州
雨中飲酒金山飲醉大風留金山留別金山二長老留京口
和蘇守王規甫觀燈什次韻孫巨源水車等詩自京口
還寄述古作卜筮子行香子杭妓迓新守楊元素寄規
甫作菩薩蠻送述古赴南都作清平樂南鄉子菩薩蠻
江神子送述古迓元素作訴衷情述古將去作虞美人荅

元素浣溪沙和元素泛金舡移守密和元素南鄉子再
過蘇贈閻丘公顯作浣溪沙過吳興李公擇生子作減
字木蘭花作六客詞爲定風波別公擇作蝶戀花赴密
過蘇有問這回來不來者其色淒然蘇守嘉之令求詞
作阮郎歸潤州和元素菩薩蠻多景樓與孫巨源相遇
作採桑子送巨源作更漏子離京口呈元素作醉落魄
訴衷情得鄉書作蝶戀花代人寄遠作少年遊金山送
子玉作昭君怨贈潤守許仲塗作減字木蘭花別潤守
作南鄉子海州寄巨源作永遇樂 除夜作贈段屯田
詩曰龍鍾三十九勞生已強半

熙寧八年乙卯 先生四十一歲

公在密州 上元作蝶戀花二十日記夢作江神子春
禱常山得兩次韻章傳道喜雨詩 首夏作官舍即事詩
四月十一日作送劉述詩 六月和李常詩 中夏旱再
禱雩泉皆應如響作雩泉記留別詩 以旱蝗齋素方
春牡丹盛開不獲賞九月忽開一朵雨中特置酒作雨
中花 冬祭常山回與同官習射放鷹作詩和梅戶曹
會獵鐵溝行蒼喬太博莫笑銀杯小并唱和詩又作江
神子 是年作趙倅成伯家宴贈楊姐詩又成伯室誕辰
口號後杞菊賦增治城上故臺名之曰超然作記又作大
悲閣記又於超然臺作望江南送東武令趙晦之歸海州
作減字木蘭花贈晦之吹簫侍兒作水龍吟

熙寧九年丙辰 先生四十一歲

公在密州遷祠部員外郎 正月五日跋赤溪山主頌七
日書瑯琊篆後立春日請成伯主會作詩 上巳日流
觴於南禪小亭作滿江紅 四月作玉盤盃詩 六月

作山堂銘 中秋歡飲達旦作水調歌頭 十一月朔作
李氏山房藏書記祭山神有文 十二月移知徐州別徐
州東武雪中送章傳道東武道中皆作江神子除夜留
維州

熙寧十年丁巳 先生四十二歲

元日早晴離維州作詩青州道上大雪作詩 二月三
日作送范鎮遊洛詩并次韻是月復與子由會於澶濮
之間相從赴彭城到京作送范蜀公詩 三月一日與王誥
會四照亭有倩奴者求曲遂作洞仙歌喜長春與之明日
晉卿送韓幹畫馬跋以詩 五月到徐州范德孺作滕縣
文正公集序曰其後十一年與其季德孺同僚于徐 五
月六日作寄題司馬君實獨樂園詩 六月十一日保母
楊氏卒 七月十七日河決八月十一日水及徐城十月
五日水退作河復詩修城捍水以活徐人作黃樓東門之
上二十一日作王誥寶繪堂記 重九邀仲屯田為大水所
隔作詩是月作送李邦直修國史詩 十月作表忠觀
碑 是年荅任師中詩曰我今四十二衰髮不滿梳過齊
時公擇守齊席上作南鄉子又作蝶戀花別公擇 子
由過中秋而別作水調歌頭又作書磨香公詩後彭城感前
約道遙堂別觀百步溪詩放鶴亭記

元豐元年戊午 先生四十三歲

公在徐州 三月始識王子高作芙蓉城詩春早置虎頭
石潭中作起伏龍行謝兩道中作浣溪沙 四月九日書鮮
于子駿楚辭後是月次韻潛師放魚詩 六月題王禹偁
碑陰 七月望觀月黃樓作詩又作眉州遠景樓記二十二
日作滕縣公堂記 八月作詩題張方平詩卷末 九月王

輦來先作定國將見過詩定國十日往返作詩幾百篇及
登松山峇定國見過見寄次韻同泛舟獨眠留別等詩九日
黃樓作詩又次韻定國詩又作千秋歲晦日黃樓作鹿鳴
燕詩并叙 十月十二日作日喻望日觀月黃樓作詩
十一月八日作雲龍山放鶴亭記十九日作莊子祠堂記
十二月遣人訪獲石炭作詩又峇田國博詩 冬祈雪出
城馬上作詩 是年作登雲龍山石盤遊戲馬臺過張天驥
山人訪遊園與梁先左藏舒煥教授顏復長道孫勉頓起泛
舟及唱和又李公擇唱和送梁知莫州送孫頓顏李等詩
又作陽關詞又藏春園贈田楚州小鬟送顏梁作浣溪沙
元豐二年己未 先生四十四歲

人日獵城南會者十人以身輕一鳥過槍急萬人呼為韻
分得過字又代雷勝鳥字詩十五日作王鞏之祖懿敏公
真贊二十四日作思堂記晦日遊桓山作記會者十人以
春水滿四澤夏雲多奇峯為韻分得澤字又代戴道士
四字詩 二月移知湖州別徐州作江神子 三月至南
京馬上作詩二十七日作靈壁張氏園亭記是日作宿州
次韻劉涇泗州孫景山西軒舟中夜起次韻高郵秦太虛
去金山五年而復至遊常州無錫惠山賜惠山贈惠表秦
觀參寥會松江詩 四月二十日到湖州 五月五日遍
遊諸寺作詩 是月過賈收耘老水閣作詩又次前韻
耘老小妓號雙荷葉作詞七月七日作與可畫筍簞當谷
偃竹記是月太子中允權監察御史何大正舒亶諫議大
夫李定言公作為詩文謗訕朝政及中外臣寮無所畏憚
國子博士李宜之狀亦上七月二日崇政殿進呈奉
聖旨後批四狀三日進呈奉 聖旨送御史臺根勘二十

八日皇甫遵到湖州追攝過南京文定張公上劄 范蜀
公上書救之 八月十八日赴臺獄中作寄子由二詩時
獄吏必欲寘之死地煨煉久之不決子由請以出身官爵
贖之而上亦終憐之促具獄 十二月二十四日得旨責檢
校尚書水部員外郎黃州團練副使本州安置二十九日
受勅

元豐三年庚申 先生四十五歲

正月過陳子由自南都來三日而別與文郎逸民飲作
詩十八日蔡州道上遇雪作詩過新息示任師中過淮
作詩 二月一日到黃州寓居定慧院之東作初到黃
月夜偶出安國寺浴安國尋春海棠土人不知貴二十六
日雨中熟睡雨晴後步雨中看牡丹樂著作野步王齊
萬寓居竹下開嘯軒杜沂見餉五禽言等詩 四月上文
潞公書云某始就逮赴獄有一子稍長徒步相隨其餘守
舍皆婦女幼穉至宿州御史符下就家取文書州郡望風
遣吏發卒圍舡搜取老幼幾怖死既去婦女恚罵曰是好
著書書成何所得而怖我如此悉取燒之比事定重復
尋理十二其七八矣到黃無所用心輒復覃思於易論語
端居深念若有所得遂因先子之學作易傳九卷又自以
意作論語說五卷 五月子由來齊安以詩迎之又作
曉至巴河同遊西山次韻等詩十一夜夢遊何人家食
石芝明日作詩是日遷居臨臯亭作詩 九月望讀戰
國策書商君事二十五日書杜羔事贈朱康叔 十月
九日孟亨之置酒秋風亭有雙拒霜獨向君猷而開坐
客喜笑以爲非史君莫當此花作定風波又作守倅不
飲詩 十二月二日作石氏畫苑記十八日書蒲永昇畫

後是月荅秦太虛書曰初到黃廬入既絕人口不少私甚憂之但痛自節儉日用不得過百五十每月朔便取四千五百錢斷為三十塊掛屋梁上平旦用畫叉挑取一塊却藏去又仍以大竹筒別貯用不盡者以待賓客此賈耘老法也荅李端叔書云得罪以來深自閉塞扁舟草履放浪山水間與樵漁雜處往往為醉人所推罵輒自喜漸不為人識 是年作勝相院經藏記

元豐四年辛酉

先生四十六歲

公在黃州 正月二十日往岐亭郡人潘古郭送於女王城道上見梅花作詩 四月八日飯僧于安國寺作應夢羅漢記 端午作少年遊贈徐君猷十二日作評書唐林夫六家書後 六月二十二日陳季常自岐亭來訪作詩 十月二十二日作聞捷詩并叙是月姪安

節來作夜坐冬至日贈安節等詩安節歸以伯父送先人詩人希野店休安枕路入靈關穩跨驢之句為韻作詩送之 十二月二日雨後微雪君猷推芳酒見過作浣溪沙明日酒醒大雪又作二十五日大雪始晴夢人以雪水烹小團茶以獻夢中作回文詩雪後乾明寺宿杭州故人信至作詩 是年馬正卿為於郡中請得故營地數十畝使得躬耕其中地既久荒墾闢之勞釋來而歎乃作東坡八詩自是始號東坡居士

元豐五年壬戌

先生四十七歲

公在黃州 正月二日書歐陽公黃牛廟詩後又作文祭與可及堂兄子正十七日夢扁舟渡江中流回望栖霞樓中歌樂雜作舟中人言公顯方會客覺而異之乃作水龍吟二十日與潘郭二生出郊記去年是日同至

女王城作詩乃和前韻又因至汪氏居作詩 寒食作
雨詩有曰我自來黃州已過三寒食徐守分新火作詩
春躬耕東坡築雪堂居之擬斜川之遊以淵明歸去來詞
隱括爲哨遍 五月以怪石供佛印作怪石供詩 七
月六日與文甫飲家釀白酒集古人句作墨作詞爲定
風波十二日書伯父中都公啓事後旣望泛舟於赤壁
之下作赤壁賦又懷古作念奴嬌 九月彭城曹煥子
文將往筠見子由求詩贈行重九涵暉樓作南鄉子呈
君猷 十月望步自雪堂歸於臨臯二客從之過黃泥
之坂復遊赤壁之下作赤壁後賦 十二月十九東坡
生日也置酒赤壁磯下踞高峯俯鵲巢酒酣笛笛聲起於
江上客有郭古二生頗知音謂坡曰笛聲有新意非俗
工也使人問之則進士李委聞坡生日作新曲曰鶴南飛
以獻呼之使前則青巾紫裘腰遂而已旣奏新曲又快作
數弄嘹然有穿雲裂石之聲坐客皆引滿醉倒委求詩
作一絕句王郎以詩見慶次其韻

元豐六年癸亥

先生四十八歲

公在黃州 正月二十日復出東門用前韻作詩 二
月三日點燈會客作詩 上巳日與二三子出遊隨所
見作數句明日集爲詩 七月望書劉廷式事二十七
日生小子遯小名幹兒 閏八月作土琴詩 居黃三
見重九每歲與君猷會于栖霞樓君猷將去念此憫然故
作醉蓬萊又作好事近送君猷 十月望書唐林夫筆
說 十一月十二日爲張夢得書昆陽賦十九日書四箴
是年快哉亭作水調歌頭贈張倬佺

元豐七年甲子

先生四十九歲

正月二十五日特授汝州團練副使本州安置 四月一日將自黃移汝留別雪堂鄰里作滿庭芳 六月作黃州安國寺記又作別黃過江行武昌用岐亭韻初入廬山二十四日宿廬山廬山二勝自興國往筠先寄遲適遠 端午遊真如別子由至奉新等詩 六月九日作石鍾山記略云余自齊安舟行適臨汝而長子邁將赴饒之德興尉送之至湖口二十三日舟過蕪湖 七月二十八日幼子遯病亡於金陵作詩哭之曰吾年四十九羈旅失幼子又作同王勝之遊蔣山詩賞心亭送勝之作漁家傲至真州再和蔣山詩 十月二十六日書韓魏公詩後 十一月晦日與劉仲達相逢泗上同遊南山作滿庭芳 十二月同泗州太守游南山過七里灘作行香子蕭淵東軒作詩二十四日從劉倩叔游南山作浣溪沙二十八日浴雍熙塔下戲作如夢令 除夜黃師是送酥酒作詩 冬作水龍吟記子微太白之事 是年和李太白尋陽紫極宮感秋詩

元豐八年乙丑 先生五十歲

元日雪中過淮謁客作詩四日離泗州表請常州居住略云一從吏議坐廢五年近蒙恩除汝州累重道遠不免舟行自離黃州風濤驚恐舉家重病一子喪亡今雖至泗州而費用罄竭去汝尚遠難於陸行二十餘口飢寒朝夕與其強顏忍耻干求於衆人不若歸命投誠控告於君父臣有薄田在常州宜興縣粗給飢粥欲望聖慈許常州居住書朝奏夕報可 二月葬保母楊氏于宋作銘又作薦誠院五百羅漢記妙峯亭詩蒙恩放歸陽羨復作滿庭芳至高郵作陳處士畫鴈詩 七月

二十五日金山贈杜介詩又作妙高臺夢中作與元老等
詩京口作王中父哀詞至常州作與孟震遊僧舍贈報恩
老歸宜興留題竹西寺等詩 哲宗即位復朝奉郎 八
月十七日得旨除知登州 九月書楞伽經後過密題高
麗亭次韻趙明叔喬禹功和昔年留別超然臺贈密守
霍翔詩 十月十五日到登州二十日召為禮部員外郎
作孫氏松堂遺直坊等詩晦日作海市詩過萊州雪後
望三山作詩過濟州作真相院舍利塔銘 十一月七日
書吳道子畫後 是月到京供禮部職 十二月以七
品服入侍延和賜緋魚除起居舍人

元祐元年丙寅

先生五十一歲

公在京師 正月除中書舍人辭免狀云臣頃自貶所
起知登州到任五日而召以省郎到省半月而擢為右史

云云 今又冒榮直授躡等驟遷非惟其人既難以處不試

而用尤非所安 二月八日朝退獨在起居讀儒林傳感

申公事作小詩 閏二月八日題子由日本扇詩後 四

月作法堂寺鍾銘 九月一日司馬溫公薨作祭文行狀

十月十二日書黃泥坂辭遺王晉卿是月除翰林學士

知制誥 十一月供翰林學士職尋除侍讀召入院九日

考試館職與聖求會宿玉堂作武昌西山詩 十二月

五日與狄詠同館北客書狄武襄事

元祐二年丁卯

先生五十二歲

公在翰苑 每時各有內制 九月一日作石舍人北使

序十五日通英殿講論語終篇賜御書詩翌日進詩又

進讀故事八說十九日作祭王宜甫文 十二月作送喬

全寄賀水部詩賀五代人得道不死全曰吾師嘗於密州

識君於常山道上意若喜君 是年作司馬溫公神道碑又作富鄭公神道碑又作趙清憲公神道碑鄭公以元豐六年閏六月二十一日薨于洛陽至是其子紹庭請于朝命公撰碑清獻公以元豐七年八月二十六日薨于杭至是其子岷請于朝命公撰碑又作贈寫真道士李得素曰五十之年初過二衰顏記我今如此

元祐三年戊辰

先生五十三歲

公在翰苑 每時各有內制 知貢舉會大雪士坐庭中噤不能言公寬其禁約而巡鋪內臣過爲凌辱傷動士心公奏撻而逐之士皆悅服試院次韻魯直畫馬送李方叔作詩 二月八日夜會于伯時齋舍書鬼仙詩 三月二十日同錢穆父遊金明池始見其雪中詩因次韻 四月五日跋宋漢傑畫 五月一日與子由同轉對次韻子由詩 九月十八日作文驥字說 卧病逾月請郡不許復直玉堂 十一月一日鑠院是日苦寒詔賜官燭法酒呈同院作詩 十二月六日書詩人寫物之功付過八日龍興節侍宴前一日微雪與子由王定國清虛堂小飲作詩 立春日賜幡勝次韻劉貢父詩

元祐四年己巳

先生五十四歲

上元日侍宴端門次韻王晉卿詩 內制止於二月 二月二十二日奏告東太一宮十神大祝文 是月三上章乞越州三月得旨以龍圖閣學士左朝奉郎知杭州 公直玉堂有贈送次韻和荅之詩幾數百篇以歲月未分先後難辨姑輒闕之以俟它日

四月十六日跋邢敦夫賦十七日書 太宗賜守臣御書扇子後二十一日作范文正文集叙所謂又十三年乃

克爲之者也 重九日和蘇堅點絳唇 冬至日作書
文登石澗遺垂堂老人詩是年作范蜀公墓誌銘蜀公
以元祐三年閏十二月薨又作去杭十五年復游西湖莫
同年雨中飲湖上同秦仲二子游寶山書辨才白雲堂
壁文登石遺梅子明參寥得智果院分韻等詩又送子
由使契丹詩云單于若問君家世莫道中朝第一人子
由過虜往往有問公安否子由至涿州寄詩曰誰將家
譜到燕都識底人人問大蘇莫把聲名動蠻貊恐妨它
日卧江湖又次韻子由涿州詩

元祐五年庚午

先生五十五歲

公在杭州 二月十七日書高麗公案二十六日過金文
寺再觀李西臺詩書其後二十七日作參寥泉銘 寒
食次韻劉景文周次元同游西湖詩 三月八日同楊次

公過劉景文題文忠公墨跡

四月十八日真覺院賞枇杷作詩又和景文韻

重九日再和蘇堅前年點絳唇

韻又次韻伯固詩十七日書醉道士石詩十八日書朱

象先畫後 十二月八日作六一泉銘十二日同景文

義伯聖從遊七寶寺題詩竹上除夜作獄空詩和通守

時韻

是年作垂雲花開雜花開盡賞牡丹遊虎丘怡

然餉新茶謝曹子方惠茶曹輔寄新芽新茶送程簽之

邵登垂雲亭寒碧軒此君軒蒜山亭南漪堂龍井泉過

溪亭介亭題蘭蕙紫薇花梅花等詩又與劉景文楊次

公袁公濟楊公濟程之邵林子中葉教授次韻和荅等詩

又送張山人歸彭城之邵赴闕詩又仲天旣自眉來詩

元祐六年辛未

先生五十六歲

上元次韻劉景文詩二十三日題伯時畫支遁養馬圖

二月三日作詩并摺筍餉殊老九日被盲再除翰林承
旨次韻劉景文西湖席上詩 三月六日作別南北山道
人詩九日罷抗守辭天竺作詩十九日宿吳江常州太
平寺觀牡丹作詩四月到闕二日作送聰師歸孤山叙
五月入院作六月朔祭劉氏文 六月十八日作上清宮碑
二十四日跋吳君采琴說是月作破琴詩東堂次諸公韻
閏六月十三日跋張乖崖書後 八月十三日作茶說是
月除龍圖閣學士知穎州 九月望觀月聽琴西湖作詩
又作祭歐陽文忠公文 秋作昭靈廟碑 十月二十五
日以早請教授陳師道并男迨迎張龍公作文 十一月
一日作聚星堂雪詩禱雨既應次景文韻十日作送張
龍公文十四日在告獨酌試滑盞有懷諸君子以詩招之
十二月八日爲文定張公舉哀於薦福院文定公以是月
二日薨於南都將屬曠不問後事但言伸意子瞻兄弟二
十三日作李簡夫詩集序祭辯才文 是年作感舊別
子由詩序云元祐六年予自杭召還寓子由東府數月復
出領汝陰時予年五十六矣又作趙德麟字說又作泛
穎到穎公帑竭禱雨既應穎大夫廟喜景文至屏山贈
叔弼雪詩留景文送王竦及季默赴闕及與趙景貺陳
履常劉景文趙德麟歐陽季默叔弼次韻贈送等詩生日
景文以古畫松鶴爲壽且賦佳篇次韻謝

元祐七年壬申

先生五十七歲

上元和履常雪中觀燈詩 二月十五夜與德麟小酌聚
星堂作減字木蘭花十七日書柳子厚瓶賦後是月移
知揚州淮上早發作詩 三月上巳日過濠與迨過遊
塗山荊州記所見次韻王滁州見寄作詩十六日到任

是月作韓文公廟碑 四月二十七日跋醉翁亭記是月
次韻徐仲車德麟湖成見懷詩無咎以詩相迎久不暇
荅昨日始次其韻 五月端午小集石塔作詩二十四
日會無咎隨齋汲泉漬白芙蓉不復有病暑意作減字
木蘭花 七月和淵明飲酒詩二十首以土物寄少游作
詩 八月作張文定公滕元發誌銘 九月以兵部尚書
召兼侍讀郊祀爲鹵簿使尋除端明殿學士兼翰林侍
讀學士守禮部尚書行宿泗間見張天驥 重九與定
國相遇于宋至都門先寄子由作詩 冬至作郊祀慶
成次韻錢蔣從駕郊立瞻望天光退而相慶作詩

元祐八年癸酉

先生五十八歲

元日立春次韻秦少游詩上元侍飲樓上呈同列詩十六
日贈別穎叔詩 六月汶公乞詩用前韻 八月一日

夫人王氏卒子過夫人所生二日作祭文是月以二學
士知定州 九月十四日東府雨中別子由詩曰庭下梧
桐樹三年三見汝前年適汝陰見汝鳴秋雨去年秋雨時
我自廣陵歸今年中山去白首歸無期自杭還京和子功
月石屏純父涵星硯邂逅德麟叔畫馬等詩及與王定
國蔣穎叔錢穆父王晉卿王仲至秦少游等次韻詩 十
一月作祭韓忠獻公文又作釋迦文佛頌 十二月二十
三日到定州

紹聖元年甲戌

先生五十九歲

立春日小集作詩呈李端叔次韻曾仲錫元日見寄
二月二十日子由生日以檀香觀音像及新合印香銀篆
盤爲壽作詩二十三日作松醪賦 三月二十日開園作
詩 四月十六日作北嶽祈雨祝文二十日作雪浪齋銘

二十四日題三國名臣贊是月奉命追一官落兩職以承
議郎知英州公在定州作送王敏仲北使求穆叔通酒
雪浪石沈香石劉醜斲石芝送程安常赴闕中山松醪寄
王引進謝端叔駕鴛竹石圖等詩又次韻及留別王雄州
詩馬教授文登人嘗食石芝詩請同賦南遷過湯陰得
豆麥粥作詩臨城道中作詩叙云始予赴中山連日風
埃未嘗了了見太行也今將適嶺表頗以爲恨過內丘
天氣清徹西望太行草木可數忽悟歎曰予南遷其速
返乎退之衡山之祥也途中寄定武同僚過杞贈馬夢得
過高郵寄孫君孚過長蘆贈夫老次韻聞復憶中和堂
作詩 六月七日泊金陵阻風蔣山泉老召食不及往作
詩九日阿彌陀像成奉安于金陵清涼寺作贊并贈和
老詩慈湖夾阻風作詩至太平當塗縣奉告責授寧遠
軍節度副使惠州安置過南康望湖亭過廬山下廬山
壽師竹軒湖口壺中九華江西江水煎茶作詩過廬陵
作秧馬歌 八月七日入贛過惶恐灘作詩九日評孔文
舉淵明詩十七日過虔州作鬱孤臺訪樂天天竺寺詩
書八境圖廉泉塵外亭贈慈雲老等詩過大庾嶺過韶
州南華望韶石英州碧落洞作詩 九月十三日遊廣
州清遠峽山寺舟中寄耘老顧秀才談惠風物浴日亭
蒲澗寺發廣州等詩二十六日艤舟泊頭肩輿于羅浮
山入寶積寺禮天竺瑞像作羅浮題名及游羅浮示過
詩 十月二日到惠州寓合江樓作詩十三日與程鄉
令侯晉叔歸善簿潭汲游大雲寺野飲萬家春於松下
設松黃湯作浣溪沙十八日遷于嘉祐寺松風亭作詩
二十日作思無邪齋銘食檳榔作詩 十一月作自笑戲

朝雲詩二十六日松風亭下梅花盛開作詩造桂酒成詩
詹守見和復次韻 十二月十二日與過游白水山佛跡
院浴於湯池作記并詩和詹守攜酒見過詩

紹聖二年乙亥 先生六十歲

公在惠州 正月十日寄鄧道士詩十二日跋王六軍
斫鱸圖及遠近景圖十三日書東臯子傳後上元夜作
詩有曰前年侍玉輦端門萬枝燈又曰去年中山守老
病亦宵興今年江海上雲房託山僧亦復舉膏火松間
見層層十六日飲嘉祐寺野人家作詩二十四日和過
羅浮栖禪韻寄邁迨二十六日林媪家雜花開作詩三
月四再遊佛跡巖歸卧既覺聞過誦淵明歸田園居詩
六首乃悉次其韻始予在廣陵和飲酒詩二十首今復
爲此要當盡和其詩乃已爾 九月書外曾祖程公逸

事十三日書桂酒頌後云僕眼五十後頗昏今復瞭然
天意復令見子由與平生故人耶十九日遷居合江樓
二十九日攜酒魚過詹史君食槐葉冷淘作詩 四月
十一日初食荔枝作詩十三日再書五十年前所作梁
處士綠筠亭詩 五月二十七日作虔州崇慶院藏經
記 六月九日書柳子厚大鑿禪師碑陰十二日酒醒
步月作詩 十九日跋大鑿碑尾 八月一日書金光
明經後二十七日書養生說 九月和淵明貧士詩七
首又作江水詩以殘夜水明樓爲韻 十一月一日菊
花始開和淵明己酉歲重九詩九日夜夢論神仙道術
作詩 是年與陳季常書略云自當塗聞命使遣還骨
肉陽羨獨與幼子過及老雲并二庖婢過嶺到惠將半
年風土食物不惡吏民相得甚厚孔子云雖蠻貊之邦

行矣豈欺我哉與徐得之書云到惠已半年凡百粗遣
既習其水土風氣絕俗息念之外浩然無疑殊覺安健
也與吳子野次韻等詩

紹聖三年丙子

先生六十一歲

公在惠州作新年詩 二月八日過逍遙堂作詩二十
一日飲醉食飽默坐思無邪齋兀然如睡既覺和淵明
東方有一士詩 三月二日卓契順至惠州以諸子書
來得書徑還問其所求荅曰契順惟無所求而後來惠
州若有所求當走都下矣苦問不已乃曰昔蔡明遠鄱
陽一校耳顏魯公絕糧江淮之間明遠載米以贖之魯
公憐其意遺以尺書天下至今知有明遠也今契順雖
無米與公然區區萬里之勤儻可以援明遠之例得數
字乎公為書淵明歸去來詞以遺之五日作祭寶月大

師文

四月八日卜新居五月十七日作詩示過二十日

復歸于嘉祐寺時卜新居于白鶴峯作遷居詩又和淵
明移居詩 五月二十七日過水西買筆作詩 六月

作東西新橋詩

七月五日朝雲亡作悼朝雲詩遯朝

雲所生八月三日葬於栖禪寺之東麓為亭名六如作
銘 重九作詩曰三年瘴海上越嶠真我家登山作重
九蠻菊秋未花又補龍山文 十一月二十日記野吏亭
十二月十一日記吳子野所示李承晏墨 二十五日
酒盡米竭和淵明歲暮和張常侍詩有曰我年六十一
頽景薄西山

紹聖四年丁丑

先生六十二歲

正月六日題劉景文詩後 三月十四日白鶴新居成
自嘉祐寺遷入和淵明時運詩又作三馬圖贊新居欲

成過程秀才循惠二守相會二守訪新居新居鑿井二
十九日作詩 四月被命責授瓊州別駕昌化軍安置
太守方子容自攜告身來且曰此固前定乎無恨吾妻
沈素事泗洲僧伽謹甚一夕夢和尚告別問所往荅云
當與蘇子瞻同行七十二日當有命今適七十二日豈
非前定乎吾謫海南子由雷州被命即行了不相知至
梧聞其尚在藤旦夕當追及作詩示之 五月十一日
與子由相遇於藤同行至雷作雷州詩 六月十一日
與子由相別渡海和淵明止酒詩行瓊儋間坐睡夢中
得句作詩過海得邁書酒作詩 七月至儋州作儋耳
詩十三日作夜夢詩叙云至儋十餘日矣初儻官舍居
之有司猶謂不可買地築室三間於城之南士人畚土運
甕助之飲鹹食腥陵暴颶霧人不堪其憂公恬然著書
爲樂

元符元年戊寅 先生六十三歲

公在儋州 上元過赴使君召獨坐有感作詩二十三日
書淵明形影神詩付過仍和其韻 上巳日與老符飲
作詩十五日作衆妙堂記二十日祭妹夫承議柳仲遠
作文 五月望造真一酒成拜奠北斗作朝斗記及詩
歌 七月十六日跋淵明祭文後 九月七日書温嶠
問郭文語八日和淵明九日閑居詩 九日次韻魯直食
笋詩 冬至日書阮籍傳後與諸生飲用過韻

元符二年己卯 先生六十四歲

公在儋州 立春日作減字木蘭花 四月十五日作
十八羅漢贊中元日書跋 九月二十日嘉魚亭下作
送邵進士詩 十二月十七日夜坐達曉作詩二十八日

記所作墨 是年和淵明與殷晉安別王撫軍座上送
客荅龐參軍三詩送昌化軍使張中又作謫居三適家
貧淨掃地夜燒松明萬安守約遊岑公洞等詩

元符三年庚辰

先生六十五歲

徽宗即位 正月朔記養黃中曰歲次庚辰朔日戊辰
是日辰時則丙辰也三辰一戊四土會焉丙土母而庚其子
也土之富未有過於斯時吾當以斯時肇養黃中之法
又曰非謫居嶺外安得此慶耶又曰十二日天門冬酒
熟上元追和戊寅韻作詩 二月二十日書黎子雲道
唐村老人言過黎君郊居詩 三月清明日聞過誦書
聲節閑美感念少時悵然追懷先君宮師之遺意且念
淮德二幼孫無以自遣乃和淵明酬郭主簿詩七日書
王光祿送行詩後十五日書柳子厚牛賦後是月放魚於
城北作記 五月被命移廉州安置作峻靈王伏波將軍
廟碑 六月十七日過瓊州作惠通井記太守陸公乞瓊
山泉上之亭名與詩名之曰洞酌作詩又澄邁驛通潮
閣烏甯泗濟 二十日渡海作詩二十五日與秦少游
相別於海康作自雷適廉夜宿淨行院廉州龍眼留
別廉守合浦愈上人等詩 七月四日記渡合浦曰予自
海康適合浦連日大雨橋梁盡壞水無津涯自興廉淨
行院下乘小舟至官寨聞自此而西皆漲水無復橋船
或勸乘艇舟並海即白石是年六月晦無月碇宿大海
中天水相連星河滿天起坐四顧太息曰吾何數乘此
險也既濟徐間復厄於此乎所撰易書論語皆以自隨
而世未有別書拊之而歎曰天未欲喪是也吾儕必濟
八月二十二日書臞仙帖二十四日題合浦清樂軒是月

被命授舒州團練副使永州安置二十八日劉幾仲餞飲
作瓶笙詩鬱林次韻王守藤州江下對月將至廣寄邁
迨和廣倅作詩 十月十四日過清遠寶林寺頌禪月十
八羅漢 十一月十五日吳子野輩追餞於廣慶寺贈子
野詩 是月被命復朝奉郎提舉成都府玉局觀在外
軍州任便居住 十二月十九日書南華重辯長老逸事
次韻韶守狄韶倅李狄守東坡羹 伯固南華相待作詩
建中靖國元年辛巳 先生六十六歲

正月朔作九成臺銘又作南華題名記五日過南安法椽
吳君示昔所作石鍾山記復題其後又作至南安詩九日
作南安常樂院法藏銘再過鬱孤臺和前韻又與虔守
霍倅許南禪湜老唱和詩又作鍾子翼哀詞又贈孫志
舉呂倚次韻江晦叔等詩 二月八日過龍光求竹作肩

手札

二十六

輿作詩 三月一日書宗人養直詩後四日作南安軍學
記寒食與劉器之遊南塔寂照堂戲器之同訪玉版師
發虔至永和清都觀留別王子直等詩過湖口九華石
已為好事者取去和前韻 四月四日艤舟吳城山順
濟王祠下得石砮作記八日艤舟豫章彭蠡之間 五
月一日舟行至金陵作崇因院觀音頌次韻清涼老詩
是月至常州睡起聞米元章到東園送麥門冬飲作詩
六月以疾告老于朝以本官致仕 七月疾頗革折簡錢
世雄云昨夕齒中出血如蚯蚓者無數若專是熱毒根
源不淺即今諸藥盡却惟取人參豆芩麥門冬瀹湯渴
即飲之莊生云在宥天下未聞治天下也三物可謂在
宥矣此而不愈則天也徑山老惟琳來說偈荅曰與君
皆丙子各已三萬日一日一千偈電往那能詰大患緣

有身無身則無疾平生笑摩什神呪真浪出琳問神呪事
索筆書昔鳩摩羅什病亟出西域神呪三番令弟子誦以
免難不及事而終併出一帖云某嶺海萬里不死而歸宿
田里有不起之憂非命也耶蓋絕筆於此後二日殆將屬
纊而聞觀先離琳叩耳大聲云端明宜勿忘西方不無但
箇裏著不得世雄云固先生平時履踐至此更須着力
曰着力即差語絕而逝二十八日公薨享年六十六崇寧
元年閏六月邁葬公于汝州郟城縣釣臺鄉上瑞里嵩陽
峨眉山遵公治命也

公自齟齬知讀書始入鄉校便有大志及游場屋為名進
士試館閣應制科皆中高等臨事以正不能與時卷舒而名
益重天下翕然宗師之平生出處遊歷悲歡感歎一寓於詩
與其雜著其文集行於世者不但東坡集與後集又有蘭
臺毗陵備成大全者矣其間詩文顛倒錯亂不可勝紀覽者
病焉汴陽段仲謀編為行紀清源黃德粹撰為系譜一則擇
焉而不精一則語焉而不詳予於暇日因二家之述徧訪公
之文集採其標題與其歲月芟夷繁亂翦截浮辭而質諸
名士大夫以求其當足以觀公官游窮達之節吟詠著作之
時名之曰東坡紀年錄又將因此而類公之詩文使成次序
固有志焉姑少俟之

東坡紀年錄



百家註東坡先生詩門類

紀行

述懷

詠史

懷古

古跡

時事

宮殿

省宇

陵廟

墳塋

居室

堂宇

城郭

壁塢

田圃

宗族

婦女

仙道

釋老

寺觀

塔

節序

夢

月

星河

雨雪

風雷

山岳

江河

湖

泉石

溪潭

池沼

舟楫

橋梁

樓閣

亭榭

園林

果實

燕飲

試選

書畫

筆墨

硯

音樂

器用

燈燭

食物

酒

茶

禽鳥

獸

虫

魚

竹

木

花

菜

菌蕈

投贈

戲贈

簡寄

懷舊

尋訪

酬答

惠貺

送別

留別

慶賀

遊賞

射獵

題詠

醫藥

卜相

傷悼

絕句

歌

行

雜賦

百家註東坡先生詩門類



王狀元集百家注分類東坡先生詩目錄

前禮部尚書端明殿學士兼侍讀學士贈太師謚文忠公蘇軾

第一卷

紀行

詩九十一首

奉 詔減決囚禁記所經歷

太白山下早行至橫渠鎮

行至磻溪未明

自平陽宿南山磻龍寺

懷賢閣

風水洞二首和李節推

新城道中二首

別黃州

過江夜行武昌山上聞黃州鼓角

自興國往筠宿石田驛南野人舍

將至筠先寄遲适遠三猶子

端午游真如遲适遠從

築高麗亭館一絕

再過常山和昔年留別

相視新河次張秉道韻二首

泛穎

行宿泗間見徐州張天驥次舊韻

自廣陵召還汶公乞詩復用前韻三首

臨城道中作

過高郵亭寄孫君子

泊金陵阻風得鍾山泉公書



慈湖峽阻風五首

過廬山下

西江

初入贛過惶恐灘

過大庾嶺

宿建封寺三首

舟行至清遠縣見顧秀才

發廣州

初到惠州

謫海南作詩示子由

行瓊儋間有興坐睡夢中得句

次前韻寄子由

澄邁驛通潮閣

六月二十日夜渡海

自雷適廉宿淨行院

藤州江上夜起對月

將至廣州寄邁迨二子

余昔過嶺而南題詩龍泉鐘上

過嶺二首

懋鬱孤臺

虔州守倅見和復次前韻

初發嘉州

過宜賓

夜泊牛口

牛口見月

戎州

泊南井口期任遵聖

入峽

遊三遊洞

再賦二首

出峽

荊州十首

涖陽早發

白塔鋪歇馬

壽陽岸下

過范縣訪德孺

初貶英州贈馬夢得

夜雨宿淨行院

過海得子由書

卷之二

述懷

詩六首

秋懷二首

次韻子由述懷四絕

詠史

詩八首

和劉道原詠史

王莽

董卓

虎兒

開元遺事三首

戲作賈梁道

懷古

詩二首

襄陽樂

朱亥墓

古跡

詩三十七首

鳳翔八觀

石鼓

咀楚文

王維吳道子畫

塑維摩像

東湖

真興寺閣

李氏園

秦穆公墓

濠州七絕

塗山

彭祖廟

逍遙臺

觀魚臺

虞姬墓

四望亭

浮山洞

遊東西巖

虔州八境圖八首

王齊萬寓居武昌劉郎汭

金山妙高臺

鬱孤臺

廉泉

塵外亭

天竺寺

碧落洞

白水山佛迹巖

巖顏碑

八陣磧

諸葛鹽井

過巴東聞萊公遺迹

隆中

時事

詩二首

聞黃河已復北流二首

卷之三

宮殿

詩十七首

將如終南太平宮讀書

洞霄宮

祭太一和韓川韻四首

次韻子由五月一日同轉對

次韻王晉卿上元侍燕端門

次韻蔣穎叔錢穆父從駕景靈宮二首

次韻蔣穎叔二首扈從景靈宮 凝祥池

上元侍飲樓上三首 永安宮

渚宮

省宇

詩八首

次韻張昌言給事省宿 和三舍人省上

次韻劉貢父省上 再和

和子由省宿致齋三首 直玉堂詔賜官燭法酒

陵廟

詩四首

白帝廟 神女廟

黃牛廟 穎大夫廟

墳塋

詩三首

同年程德林求先墳二首思成堂 歸真亭

葉待制求先墳永慕亭

居室

詩十四首

和蔡景繁海州石室 過建昌李野夫公擇故居

遷居

白鶴峯新居欲成夜過西鄰程秀才二首

次韻子由所居六詠

遷居之夕聞鄰舍兒誦書

新居

貧家淨掃地

堂宇

詩四十一首

中隱堂五首

避世堂

秀州僧本瑩靜照堂

石蒼舒醉墨堂

次韻子由綠筠堂

傅堯俞濟源草堂

越州張中舍壽樂堂

海會寺清心堂

刁同年草堂

平山堂次王居卿祠部韻

蘇州姚氏三瑞堂

西齋

張安道樂全堂

張寺丞益齋

杜介熙熙堂

鄆州新堂月夜二首

雪齋

王鞏清虛堂

趙閱道高齋

南堂五首

陶子駿佚老堂二首

溪陰堂

登州孫氏松堂

與趙陳同過歐陽叔弼小齋

谷林堂

衆妙堂

景德寺榮師湛然堂

寒食與器之游寂照室

張競辰永康所居萬卷堂

劉壯輿長官是是堂

歐陽永叔至喜堂

卷之四

城郭

詩二首

石鼻城

芙蓉城

壁塢

詩二首

郿塢

寄題刁景純藏春塢

田圃

詩八首

東坡八首

宗族

詩五首

小兒

姪安節遠來夜坐三首

冬至日贈安節

婦女

詩十一首

薄命佳人

於潛女

錢安道帝上令歌者道服

朝雲

與數客野步求觀林氏

悼朝雲

昭君村

趙成伯家麗人

戲贈田辯之琴姬

韓康公坐上侍兒求書扇二首

仙道

詩十六首

次韻回先生三首

張先生

三朵花

贈梁道人

贈李道士

送喬全寄賀君六首

夢與人論神仙道術

安期生

過安樂山

釋老上

詩四十首

記吳道子畫佛滅度

讀道藏

成都進士杜暹出家

過永樂文長老已卒

題雲閣梨壁

僧惠勤初罷僧職

贈上天竺辯才師

次韻僧潛見贈

書麈尾詩後

繼子由頌石臺長老二首

次韻樂著作天慶觀醮

次韻荅寶覺

玉帶施元長老二首

送金山鄉僧歸蜀開堂

龜山辯才師

就儼蒜山松林中卜居

贈常州報恩長老二首

參寥得智果院分韻得心字

送小本禪師赴法雲

留別蹇道士拱辰

贈月長老

送芝上人遊廬山

見長蘆夫禪師三首

贈清涼寺和長老

贈蒲澗長老

寄鄧道士

次韻定慧欽長老見寄八首

過逍遙堂何道士宗一問疾

卷之五

釋老下

詩十六首

吳子野絕粒不睡

和合浦愈上人留題

贈龍光長老

乞數珠贈南禪湜老

再用數珠韻贈湜長老

重賦數珠督南禪和二首

清都觀謝道士求詩

贈詩僧道通

次舊韻贈清涼長老

荅徑山長老

贈曇秀

過揚州壽寧文覺顯公房

送佛面拄杖與羅浮長老

贈虔州慈雲寺鑒老 碣石菴寄贈湛菴主

寺觀

詩五十九首

留題延生觀後山上小堂

樓觀

自清平鎮遊南山十一首 樓觀 五郡 授經臺

大秦寺 餘見別卷

遊金山 甘露寺

遊靈隱寺

雨中遊天竺靈感觀音院

宿臨安淨土寺 自淨土寺步至功臣寺

報本禪院文長老方丈 獨遊富陽普照寺

自普照遊二菴 佛日山榮長老方丈五絕

宿海會寺 夜至永樂文長老院

虎丘寺 同柳子玉遊鶴林招隱

遊鶴林招隱二首 書普慈長老壁

書焦山綸長老壁

與毛令方尉遊西菩提寺二首

留題石經院三首 遊淨居寺

宿黃州禪智寺一絕 定惠院寓居月夜偶出

次韻前篇 安國寺浴

遊武昌寒溪西山寺 顓師開嘯軒

雪後到乾明寺遂宿 宿圓通禪院

石塔寺

月華寺

南華寺

峽山寺

廣州蒲澗寺

遊博羅香積寺

與正輔遊香積寺

次韻劉湜峽山寺見寄

入寺

留題顯聖寺

留題仙都觀

過木樨觀

留題峽州甘泉寺

寄題清溪寺

雙鳥觀

次周壽韻

題惠州靈惠院

卷之六

塔

詩四首

泗州僧伽塔

北寺悟空禪師塔

遊靈隱高峯塔

屈原塔

節序

詩四十三首

四時詞四首

新年五首

次韻楊褒早春

次韻元日立春三首

元日次韻張子野見和七夕

元日過丹陽寄魯元翰

次韻劉景文路分上元

次韻曾仲錫元日見寄

上元夜

上元夜過赴脩守召獨坐有感

追和戊寅上元

元夕夜遊

春日

和子由寒食

寒食雨二首

送春

三月二十九日二首

首夏官舍即事

次韻朱光庭初夏

上巳與老符秀才飲

七月五日二首

九日次韻王鞏

次韻蘇伯固主簿重九

九日次定國韻

丙子重九二首

歲暮思歸寄子由弟三首

餽歲 別歲 守歲

除夜宿常州城外二首

夢

詩十首

石芝 并引

記夢回文二首

秦少游賀劉發首薦次韻

金山夢中作

記夢

夜夢

夢蘇伯固手扎乳香嬰兒

夢中作寄朱行中

夢雪

月 星河附

詩十七首

與述古有美堂乘月夜歸

中秋月三首

中秋見月寄和二首

十月十五觀月黃樓席上次韻

臺頭寺步月得人字

趙德麟餞飲湖上舟中對月

酒醒步月理髮而寢 江月五首

姤佳月

夜行觀星

卷之七

雨雪

詩四十六首

九月微雪懷子由弟二首

病中大雪荅號令趙薦

追和子由洛下所寄五首

立秋日禱雨宿靈隱寺

癸丑春分後雪

有美堂暴雨

和柳子玉喜雪

雪後至臨平見陳尉列

雪後書北臺壁二首

謝人見和前篇二首

次韻章傳道喜雨

雪夜獨宿柏山庵

除夜大雪元日早晴遂行

大雪懷東武園亭寄孔周翰

次韻李公擇以詩相迎二首

和田國博喜雪

祈雪霧猪泉贈舒堯文

次韻舒堯文祈雪霧猪泉

荅郡中同僚賀雨

蔡州道上遇雪二首

次韻久旱已而甚雨三首

過萊州雪後望三山

次韻王觀正言喜雪

次韻朱光庭喜雨

次韻張昌言喜雨

微雪與子由再飲清虛堂

次韻毛滂法曹感雨

聚星堂雪

禱雨張龍公既應次韻劉景文

用前韻作雪詩留景文

和劉景文雪

次韻陳履常雪中

江上值雪效歐陽體

大雪獨留尉氏

風雷

詩八首

將至渦口遇風留宿

發洪澤中途遇大風復還

十月六日記所見

天目山上不聞雷震

大風留金山兩日

舶趨風

迨作淮口遇風戲用其韻

次韻王郎子立風雨有感

山岳

卷之八 詩三十六首

出潁口初見淮山

龜山

登玲瓏山

宿九仙山

廬山五詠

廬教洞 飲酒臺 聖燈巖 三泉 障日岑

韓太祝送遊太山

登雲龍山

與客遊道場何山得鳥字

初入廬山三首

贈東林摠長老

題西林壁

廬山二勝

開先漱玉亭 樞賢三峽橋

木山

梅聖俞 次韻

次韻王忠玉遊虎丘三絕

上巳遊塗山荆山記所見

靈隱前一首贈唐林夫

同正輔表兄遊白水山

次韻正輔同游白水山

江上看山

巫山

峴山

萬山

驪山

驪山絕句三首

卷之八

江河

詩十首

湯村開運鹽河雨中督役

河復

百步洪二首

江漲用過韻

連雨江漲二首

新灘

新灘阻風

漢水

湖

詩二十六首

次韻子由柳湖感物

和蔡準郎中見邀遊西湖三首

和子由柳湖并山茶二首

夜泛西湖五絕

湖上夜歸

寒食未明至湖上

懷西湖寄晁美叔同年

去杭州十五年復遊西湖

次韻劉景文周次元遊西湖

次韻荅王忠玉

次韻曹子方雪中遊西湖

次韻仲殊雪中遊西湖二首

西湖戲作

西湖成趙德麟見懷次韻

次韻趙德麟見懷絕句

再次韻趙德麟新開西湖

許州西湖

西湖絕句

泉石

詩三十一首

礧溪石

周公廟後潤德泉

調水符

和子由木山引水二首

焦千之求惠山泉詩

韓子華石淙莊

虎跑泉

留別零泉

浚井

過溫泉

戲徐凝瀑布詩

揚康公有石如醉道士

取彈子過石養石菖蒲

文登白石遺梅子明次韻

和楊次公惠徑山龍井水

雙石

以仇池石借王晉卿

王晉卿欲奪海石復次前韻

以石易畫晉卿難之復次韻

次韻滕大夫三首

雪浪石

同前

沈香石

石芝

壺中九華

詠湯泉

鑿井遇磐石石盡得泉

洞酌亭

和壺中九華詩韻

蝦蟆培

荆門惠泉

溪潭

詩十首

留題仙遊潭中興寺

仙遊潭五首

六和寺冲師開山溪爲水軒

故周茂叔先生濂溪

次韻陳履常張公龍潭

江郊

卷之九

池沼

詩三首

題興州晁太守新開古東池

道者院池上作

和宋肇遊西池次韻

舟楫

詩二首

七月一日出城舟中苦熱

舟中夜起

橋梁

詩三首

海神廟板橋不果遷

兩橋

東新橋 西新橋

樓閣

詩二十七首

吉祥寺僧求閣名

望湖樓醉書五絕

宿望湖樓再和

望海樓晚景五絕

李公擇求黃鶴樓詩

南寺千佛閣

法惠寺橫翠閣

聚遠樓三首

九日黃樓作

過賈牧水閣見其子三首

蔡景敏系官舍小閣

寓居合江樓

和黃秀才鑒空閣

留獨秀峯

健為王氏書樓

亭榭

詩四十五首

次韻劉京兆石林亭

和劉長安題薛周逸老亭

姚氏山亭

招隱亭

凌虛臺

孫莘老求墨妙亭詩

天慶觀園亭道士乞名與詩

於潛令刁同年野翁亭

僧清順新作垂雲亭

東陽水樂亭

李行中醉眠亭三首

次韻陳海州乘槎亭

登常山絕頂廣麗亭

種德亭

城南縣尉水亭得長字

遷居臨臯亭

徐大正閑軒

泗州蕭淵東軒二首

劉乙新作射亭

留題蘭皋亭

南都妙峯亭

壽星院寒碧軒

西湖壽星院此君軒

次韻林子中蒜山亭

再和并答楊次公

次韻劉景文登介亭

袁公濟和登介亭詩復次韻答之

閱世亭詩贈任仲微 浴日亭

次韻子由三首 東亭 東樓 椰子冠

望夫臺

阮籍嘯臺

陳德任占山亭二首

寄傲軒

蒼苔荀亭醉題

望湖亭

次韻半山亭

和廬山芝上人竹軒

觀臺

卷之十

園林

詩五十七首

和子由園中草木十一首

新城陳氏園次晁補之韻

和文與可洋州園池三十首

湖橋

橫湖

書軒

冰池

竹塢

菰蒲

蓼蟲

望雲樓

天漢臺

待月臺

二樂榭

瀟泉亭

吏隱亭

霜筠亭

無言亭

露香亭

涵虛亭

溪光亭

過溪亭

披錦亭

楔亭

菡萏亭

茶蘼洞

篔簹谷

寒蘆港

野人廬

此君庵

金橙徑

南園

北園

和孔密州五絕

見邸家園留題

春步西園見寄

東欄梨花

和流杯石上草書小詩

堂後白牡丹

司馬君實獨樂園

滕縣時同年西園

寄題梅宣義園亭

三月二十日開園三首

小圃五詠

人參 地黄 枸杞 甘菊 薏苡

果實

詩九首

送鄭戶曹賦席上果得榘子

食柑

橄欖

次韻曾仲錫食蜜漬生荔支

再和曾仲錫荔支

次韻劉燾撫句蜜漬荔支

初食荔支

荔支歎

食荔支二首

廉州龍眼質味殊絕

荅晉卿傳柑

燕飲上

詩二十七首

微雪南谿小酌至晚

陪歐陽公燕西湖

用前韻求述古移厨

飲湖上初晴後雨二首

與臨安令宗人同年劇飲

述古召飲介亭以病先起

重九亦以病不赴述古會

次韻述古過周長官夜飲

述古以詩見責屢不赴會

和王蘇州侍太夫人觀燈之什不及赴此會二首

金山寺與柳子玉飲醉書其壁

蘇州間丘江君二家雨中飲酒二首

聞喬太博換左藏知欽州以詩招飲

與梁左藏會飲傳國博家

約公擇飲是日大風 座上賦戴花得天字

夜飲次韻畢推官

聞李公擇飲傳國博家大醉二首

月夜與客飲酒杏花下 陳州與文郎逸民飲別

與潘三失解後飲酒 二月三日點燈會客

與歐育等六人飲酒

卷之十一

燕飲下

詩十七首

次韻王定國謝韓子華過飲

次韻韓康直置酒見留 次韻王定國會飲清虛堂

與莫同年雨中飲湖上

次韻詹適宣德小飲巽亭

次韻劉景文西湖席上 次韻督兩歐陽破陳酒戒

勸陳履常飲 以病在告獨酌

獨酌試藥玉滑盞有懷諸君子

竹間亭小酌懷叔弼季默

次韻張朝奉仍招晚飲 次韻錢穆父會飲

立春日小集戲李端叔 用過韻冬至與諸生飲

小飲公謹舟中 與閑山居士小飲

試選

詩八首

監試呈諸試官

試院煎茶

催試官考較戲作

復登望海樓和削韻五首

書畫上

詩六十三首

和子由論書

和人求筆跡

過廣愛寺三首

荅李頎秀才以畫山見寄

柳氏二外甥求筆跡二首

贈寫真何充秀才

次韻周邠鴈蕩山圖二首

書韓幹牧馬圖

章質夫寄惠崔徽真

韓幹十四馬

贈寫 御容妙善師

續麗人行

鮮于子駿見遺吳道子畫

李思訓畫長江絕島圖

陳季常所蓄朱陳嫁娶圖

郭祥正家醉畫竹石壁上

高郵陳直躬處士畫鴈二首

雍秀才畫草蟲八物

促織 蟬 蝦蟇 蟋蟀

天水牛

蠍虎

蝸牛

鬼蝶

王伯敷所藏趙昌畫四首

梅花 黃葵 芙蓉 山茶

墨花

書文與可墨竹

虢國夫人夜遊圖

題文與可墨竹

趙令晏崔白大圖幅徑三丈

書李伯時所藏韓幹馬

郭熙畫秋山平遠

書晁補之所藏與可畫竹三首

書李世南所畫秋景二首

書鄢陵王所畫折枝二首

次韻米黻二王書跋尾二首

郭熙秋山平遠二首

謝賜燕并御書進詩一首

書艾宣畫四首

竹鶴

杏花白鵬

黃精鹿

蓮龜

次韻魯直畫馬試院中作

柏石圖

和王晉卿題李伯時畫馬

書歸去來陽關二圖後二首

戲書伯時畫御馬好頭赤

卷之十二

書畫下

詩五十一首

題李伯時畫琴鶴圖二首

書王定國所藏煙江疊嶂圖

王晉卿所藏著色山二首

次韻王晉卿和煙江疊嶂圖

書王晉卿畫著色山二首

書王子敬帖絕句

書宗少文一筆畫

書渾令公宴魚朝恩圖

次韻王晉卿畫山水二首

又書王晉卿畫四首

山陰陳迹

雪谿乘興

四明狂客

西塞風雨

題王晉卿畫後

次韻子由晉卿所和畫山水二首

六觀堂老人草書

闕立本職貢圖

和叔盜畫馬次韻

書晁說之考牧圖後

書丹元子所示李太白真

題毛女真

書清汶老所傳秦湘二女圖

次韻李端叔寫鴛竹石圖

子由新修龍興寺吳畫壁

題過所畫枯木竹石三首

和曹子方歐陽晦夫畫茅菴

書韓幹二馬

王晉叔所藏畫跋尾五首

徐熙杏花 趙昌四季

韋偃牧馬圖

李亮功舊自隱宅圖

畫車詩二首

宋復古畫瀟湘晚景圖三首

題黃筌畫翎毛花蝶二首

申王畫馬圖

書伯時所畫王摩詰

邢彦生圖

筆墨

詩九首

次韻荅舒教授觀余所藏墨

贈潘谷

孫莘老寄墨四首

歐陽季默以油煙墨見餉

明日復以大魚為餽

謝宋漢傑送李承晏墨

硯

詩八首

龍尾硯歌

以銅劍易張幾仲龍尾子石硯

張作詩送硯及劍乃和歸劍

眉子石硯歌

和范子功月石硯屏

次韻范純父涵星硯月石風林屏
龍尾石硯寄猶子遠 驪山沉泥硯

音樂

詩十一首

宋叔達家聽琵琶

古纏頭曲

聽僧昭素琴

聽賢師琴

潤州甘露寺彈箏

破琴詩

聽武道士彈賀若

九月十五日觀月彈琴西湖

餅筵

次韻子由彈琴

舟中聽大人彈琴

卷之十三

器用

詩十首

次韻柳子玉二首

地爐紙帳

荅胡穆秀才遺古劍器

無錫道中賦水車

以雙刀遺子由有詩次韻

鐵拄杖

觀杭州鈴轄歐育刀劍戰袍

送竹几與謝秀才

狄詠石屏

和張耒高麗松扇

燈燭

詩三首

祥符寺九曲觀燈

上元過祥符僧房無燈火

次韻穎叔觀燈

食物

詩五首

和黃魯直食筍次韻

携白酒鱸魚過詹史君食冷淘

狄韶州煮蔓菁蘆菹羹

玉糝羹

山中笋出戲語器之同參玉板長老

酒

詩十二首

薄薄酒二首

送碧香酒與趙明叔教授

趙既見和復次韻荅之

趙往莒縣還以一壺遺之

送錢道士酒二壺 新釀桂香酒

惠守彥君見和復次韻

真一酒

嘗天門冬酒二首 竹葉酒

茶

詩十二首

月兔茶 佛舍飲茶戲書

和錢安道寄惠建茶 和蔣夔寄茶

惠山謁錢道人烹小龍團登絕頂望太湖

以大龍團報垂雲新茶

次韻荅程朝奉謝送新茶

次韻曹輔寄壺源試焙新芽

種茶 汲江煎茶

送南屏謙師

又贈老謙

禽鳥

詩十三首

僧爽白雞

五禽言五首

異鵲

鶴歎

五色雀

巫山廟鳥

野鷹來

食雉

獸

詩四首

竹鼯

烏紫

涪州得山胡

仙都觀鹿

虫

詩二首

蠍虎

二蟲

魚

詩六首

漢陂魚

次韻潛師放魚

戲作鮒魚

戲作放魚

復次放魚前韻

鮒魚

竹

詩三首

於潛僧綠筠堂

次韻劉貢父西省種竹

此君軒

木

詩十一首

塔前古檜

王復秀才所居雙檜二首

種松得徠字

戲作種松

萬松亭

和趙貺栽檜

杜輿秀才學種松法二首

種穉栝禮曹北垣下

宥老楮

卷之十四

花

詩七十九首

吉祥寺賞牡丹

和陳述古拒霜花

吉祥寺花將落而述古不至

述古明日即來復用前韻

李鈐轄座上分題戴花

陌上花三首

和述古冬日牡丹四首

次韻刁景純賞瑞香花

天竺山送桂花分贈元素

謝郡人田賀二生獻花

惜花

玉盤盃二首

留別釋迦院牡丹呈趙倅

次韻李公擇梅花

梅花二首

定惠院海棠

雨中看牡丹三首

岐亭道上見梅花

紅梅三首

問大冶長老乞桃花茶栽

和秦太虛梅花

再和潛師

海棠

玉堂栽花周正孺有詩次韻

和王晉卿送梅花

垂雲花開荅順閣梨以詩見招

菩薩寺南漪堂杜鵑花

題楊次公春蘭

題次公蕙

次韻錢穆父紫薇花二首

次韻楊公濟奉議梅花十首

再和楊公濟梅花十絕

真覺院瑞香花

臘梅一首贈趙景貺

贈朱遜之

次韻同賞田曹梅花

三月二十日多葉杏開

松風亭下梅花盛開

花落復次韻

次韻程正輔江行見梅花

和子由石菖蒲忽生九花

次韻子由月季花再生

淨土院觀牡丹

雨中賞牡丹

山茶

菜

詩五首

春菜

元脩菜

雨後行菜

和子由種菜久旱不生

煮菜

菌蕈

詩一首

與參寥師行園中得黃耳蕈

卷之十五

投贈

詩二十七首

贈孫莘老七絕

至秀州贈錢端公安道

贈治易僧智周

除夜病中贈段屯田

喬太博見和復次韻荅之

二公再和亦再答之

贈王仲素寺丞

贈寶覺長老

贈惠山僧惠表

贈錢道人

贈黃山人

贈袁陟

贈章默

贈葛葦

贈王寂

贈杜介

慶源宣義王文求紅帶

贈王子直秀才

贈鄭清叟秀才

贈嶺上老人

贈楊耆

戲贈

詩三十二首

戲子由

鹽官部役戲呈同事

將之湖州戲贈莘老

戲贈

戲贈賈收秀才二首

戲魯少卿二首

張子野年八十五尚聞買妾

戲錢道人兩絕

贈張刁二老

戲毛國華長官

戲喬太博飲客

戲問辯才法師復歸上天竺

夜過舒堯文戲作

戲作陳孟公詩

戲徐君猷孟亨之不飲酒

戲子由五首

戲周正孺二絕

戲用晁補之韻

東川清絲寄魯曾冀州戲贈

章質夫送酒書至而酒不達戲作小詩問之

作六蟲篇答南禪長老

戲孫公素

和趙成伯兼戲禹功

簡寄

詩五十九首

鄭州別後馬上寄子由

病中聞子由得告不赴三首

和子由苦寒見寄

將往終南和子由見寄

華陰寄子由

次韻柳子玉見寄

和子由初到陳州見寄二首

初到杭州寄子由二絕

和劉道原見寄

和劉道原寄張師民

是日宿水陸寺寄北山清順僧二首

用和人求筆跡韻寄莘老

寄劉孝叔

寄呂穆仲寺丞

寄黎眉州

代書荅梁先

次韻舒教授寄李公擇 作詩寄王晉卿

罷徐州往南京馬上走筆寄子由五首

過淮三首贈景山兼寄子由

寄淨慈本長老

次韻和劉貢父登黃樓見寄并寄子由二首

今年正月十四日與子由別於陳州五月子由復

至齊安未至以詩迎之

曉至巴河迎子由

陳季常見過三首

初秋寄子由

寄蘄簞與蒲傳正

寄怪石石斛與魯元翰

寄吳德仁兼簡陳季常

謝王澤州寄長松兼簡張天覺二首

寄蔡子華

和錢四寄其弟蘇

次韻謝趙景貺陳履常見和兼簡歐陽叔弼兄弟
召還至都門先寄子由

次韻穆父馬上寄穎叔二首 寄韶合制餅與子由

寄虎兒

梳榔杖寄張文潛

聞正輔將至以詩迎之

再和

夜坐達曉寄子由

得邁寄書酒用過韻寄子姪

渝州寄王道矩

和寄夫選官長

和子由除日見寄

懷舊上

詩二十三首

和子由澠池懷舊

曾氏閣懷趙薦

宿餘杭法喜寺懷孫莘老

看月懷子由并崔賢良

常潤道中有懷錢塘寄述古五首

捕蝗至浮雲嶺山行疲苦有懷子由弟二首

宿逍遙堂追感前約二小詩

和子由會宿兩絕

六年正月二十日復出東門仍用前韻

岐亭五首

西太一見荆公詩偶次其韻二首

卷之十七

懷舊下

詩十三首

武昌西山

再用前韻

次韻子由與孔常父唱和詩

園空和都廳舊題呈二通守

前詩

今和

和唐彥猷詩送其子垺二首

感舊

東堂次諸公舊詩韻三首

遇定國有感

憶中和堂

尋訪

詩十七首

遊孤山訪惠勤惠思二僧

李杞見和復用前韻答之

再和

湖上尋周李二君不見

九日尋臻閣梨遂泛舟至勲師院二首

過雲龍山人張天驥

訪張山人得山中字二首

雨中過舒教授

出郊尋春和女王城詩韻

太寒步至東坡贈巢三

殘臘獨出二首

被酒獨行三首

酬荅上

詩五十九首

次韻王誨夜坐

次韻張安道讀杜詩

和柳子玉過陳絕糧二首

徑山回招呂察推宿湖上

荅任師中次韻

沈諫議召遊湖不赴二絕

和歐陽少師會老堂次韻

和歐陽少師寄趙少師次韻

次韻孔文仲推官見贈

和致仕張郎中春晝 雜興答鮮于子駿

次韻荅章傳見贈

有美堂和周邠見寄二首

獨遊淨慈荅周長官見寄

徑山道中次韻荅周長官

次韻汪覃秀才見寄

景純見和復次韻贈之二首

柳子玉亦和因以送之

荅子玉家宴用前韻見寄

次韻景純見和二首 刁景純席上和謝生二首

次韻沈長官二首 和劉孝叔會虎丘二首

次韻陳海州書懷 次韻孫職方蒼梧山

次韻孫巨源見寄五絕 莫笑銀杯小荅喬太博

和段屯田荆林館 遊廬山次韻章傳道

和頓教授見寄 荅陳述古二首

和章七出守湖州二首 和張子野見寄二絕

荅李邦直 和潞公超然臺次韻

次韻劉貢父李公擇見寄二首

和趙郎中捕蝗見寄次韻

趙郎中見和戲復荅之

和晁同年九日見寄

和孔郎中荆林馬上見寄

和孔君亮郎中見贈

第十八卷

酬荅中

詩九十一首

次韻劉貢父見戲

和李邦直沂山祈雨有應

宿州次韻劉涇

和趙郎中見戲二首

和子由遊百步洪

次韻李邦直感舊

次韻荅邦直子由四首

荅任師中家漢公

陽關詞三首

次韻呂梁仲屯田

次韻荅王鞏見寄

次韻仲屯田見寄

次韻吳正字王戶曹二首

荅呂梁仲屯田

荅孔周翰求書與詩

聞李公擇過雲龍張山人

寒食日荅公擇三絕

次韻荅劉涇

和孫莘老次韻

次韻荅文與可見寄

次韻秦觀秀才見贈

次韻黃魯直見贈古風二首

荅仲屯田次韻

次韻荅密州宋國博

荅范祖禹

次韻荅王定國

戲王鞏自謂惡客

次韻王定國馬上見寄

次韻荅頓起二首

謝太虛以黃樓賦見寄

次韻荅王鞏

張安道見示近詩

次韻王鞏顏復同泛舟

次韻張十七九日贈子由

次韻王鞏獨眠

次韻王鞏留別

荅王定民

次韻王庭老九日見寄

次韻參寥師寄秦觀三絕

次韻庭老退居見寄二首

和黃魯直次韻粲字詩

次韻田國博部夫南京見寄

再次韻田國博部夫還二首

荅國博見示石炭詩 次韻曹九章見贈

次韻秦太虛見戲耳聾

荅李公擇見戲

和孫同年卞山龍洞禱晴

次韻徐祕丞見贈 次韻周開祖長官見寄

次韻荅孫倅 重寄

次韻樂著作野步 次韻荅子由

和何長官六言次韻五首

次韻子由病酒肺疾發 杭州故人信至齊安

和王鞏六首並次韻 次韻陳四雪中賞梅

和子由題孔平仲草庵 次韻荅元素

次韻孔毅父集句見贈五首

次韻子由種杉竹 次韻王鞏南遷初歸二首

孔毅父以詩戒飲酒次韻

次韻王郎見慶生日并寄茶

第十九卷

酬荅下

詩一百四十三首

次韻道潛留別 次韻葉致遠見贈

次韻杭人裴維甫 次韻段縫見贈

次韻滕元發許仲途秦少游

次韻蔣穎叔 和王游二首

次韻張琬 和人見贈

次韻王定國南遷回見寄

和王勝之三首 和田仲宣見贈

和仲伯達

次韻荅賈耘老

次韻許遵

次韻孫莘老斗野亭

次韻送徐大正

次韻徐積

次韻趙令鑠

次韻王定國得穎倅二首

次韻王震

次韻周邠

次韻胡完夫

次韻錢穆父

次韻荅完夫穆父

次韻荅滿思復

和蔣發運

和人假山

次韻錢舍人病起

次韻和王鞏

次韻李脩孺留別二首

次韻黃魯直赤目

和周正孺墜馬傷手

和魯直燒香四首

次韻曾子開別駕四首

荅孔常父見訪

次韻劉貢父獨直省中

次韻王定國倅揚州

次韻張舜民倅虢州留別

和王晉卿

次韻劉貢父所和憶持國二首

次韻劉貢父叔姪扈駕

次韻荅張天覺二首

次韻王都尉偶耳病

次韻荅錢穆父作詩見及

次韻黃魯直嘲小德

次韻謝景仁和賜酒燭

次韻劉貢父春日賜幡勝

再和

荅葉公秉王仲至見和

再和

次韻秦少章和錢蒙仲

次韻錢越州

次韻荅劉景文左藏

次韻錢越州見寄

次韻子由涿州見寄四首

次韻荅劉景文見贈

次韻袁公濟謝芎椒

次韻林子中王彥祖唱酬

復次溥字韻記龍井之游

次韻林子中見寄

次韻參寥同前

次韻荅馬忠玉

次韻黃安中兼簡林子中

次韻劉景文見寄

次韻荅錢穆父見寄

荅王定國

和劉景文見贈

新渡寺席上次韻送叔弼

次韻趙景貺春思且懷吳越山水

次韻王滁州見寄

和趙景貺求東齋榜銘

謝二鮮于以詩文見寄

和陳傳道雪中觀燈

次韻徐仲車

次韻林子中春日書事

次韻和晁無咎學士相迎

次韻劉景文贈傅曦秀才

次韻定國見寄

和錢穆父蔣穎叔王仲至四首

見寄西湖月下聽琴

見和仇池

玉津園

籍田

次天字韻荅岑巖起

次秦少游韻贈姚安世

次丹元姚先生韻

次韻王晉卿奉詔押高麗燕射

次韻丹元子

次韻聰上人見寄

次韻王雱州還朝留別

詹守携酒見過用前韻和之

荅周循州

次韻惠循二守相會

又次韻二守同訪新居二首

循守臨行出小鬟復用前韻

次韻贈吳子野先生二絕

次韻王懋懿林

和孫叔靜兄弟李端叔唱和

荅廣倅蕭大夫借前韻見贈二首

次韻鄭介夫二首

次韻韶守狄大夫見贈二首

次韻韶倅李通直二首 和陽行先

和猶子遲韻贈孫志舉 用前韻再和霍大夫

用前韻再和許朝奉 用前韻再和孫志舉

崔文學甲推芳文見過 次韻江晦叔二首

次韻江晦叔兼呈器之 次韻郭功甫二首

次韻法芝舉舊詩 次韻荆門張都官

次韻和子由聞子善射 和林子中待制

次韻馬元賓 次韻荅李端叔

和晁美叔 和穆父新涼

卷之二十

惠貺

詩三十五首

送筍芍藥與公擇二首

次韻關令送魚 丁公默送蝥蟬

次韻樂著作送酒 送牛尾狸與徐使君

醉醖花菩薩泉二首 徐使君分新火

謝陳季常惠一摺巾 次韻周種惠石掉

除夜黃師是送酥酒二首

章錢二君見和復次韻荅之二首

次韻趙令鑠惠酒 杜介送魚

次韻宋肇惠澄心紙二首

次韻王晉卿惠花栽

謝關景仁送紅梅栽二首

以屏山贈歐陽叔弼

洞庭春色

趙德麟惜梅且餉柑三首

戲謝毛正仲惠茶

謝劉景文以畫松鶴為壽

謝程德孺惠海中柏石

吳子野出家贈扇山枕屏

中山松醪寄雄守王引進

歐陽晦夫惠琴枕

謝歐陽晦夫遺接羅琴枕

謝人惠雲巾方烏二首

送別上

詩二十九首

送曾子固倅越得燕字 王頤錢監求詩及草書

送安惇秀才失解西歸 送任伋通判黃州

送劉放倅海陵

送錢藻出守婺州得英字

送呂希道知和州 送文與可出守陵州

送劉道原歸觀南康 送張安道赴南都留臺

穎州初別子由二首

壽州李定出餞城東龍潭上

送蔡冠卿知饒州 送岑著作

送張職方吉甫赴閩漕 送張軒民寺丞赴省試

次韻孫莘老見贈 贈別

席上代人贈別三首

送杜戚陳三椽罷官歸鄉

次韻周長官同錢魯少卿

次韻杭州周令見寄二首

送段屯田分得于字

送李供備席上和李詩

送趙寺丞寄陳海州

送喬施州

送范景仁遊洛中

次韻景仁留別

送魯元翰少卿知衛州

次韻送蔣夔赴代州學官

送顏復兼寄王鞏

初別子由

雨中送李邦直赴史館二首

送李公恕赴闕

卷之二十一

送別中

詩七十五首

送鄭戶曹

送孔郎中赴陝郊

送李公擇

和子由送將官梁左藏仲通

送胡榘

送將官梁左藏赴莫州

又送鄭公曹

次韻子由送趙屺歸觀錢塘

送頓起

送孫勉

送參寥師

次韻長道韻送傅倅

臺頭寺送宋希元

送蜀人張師道赴殿試二首

送劉寺丞赴餘姚

送孫著作赴考城

送淵師歸徑山

送表忠觀錢道士歸杭

送俞節推

送安節十四首

送沈達赴廣南

送楊傑

送穆越州

送范純粹守慶州

送戴蒙赴成都玉局觀

送陳睦知潭州

用前韻答西掖諸公見和

送表弟程六知楚州

送王伯敷守虢

次韻子由送千之姪

用王鞏韻送其姪知蔡州

用舊韻送魯元翰知洛州

次韻子由送陳侗知陝州

送賈訥倅眉二首

送程建用

送杜介歸揚州

送楊孟容

送錢承制赴廣西路分都監

送顧子敦奉使河朔

諸公餞子敦以病不往

送家退翁知懷安軍

送宋彭州迎侍二親

送張天覺河東提刑

送張天覺得山字

送歐陽辯監澶州酒

送安家國教授歸成都

送李方叔

次韻送成都高士敦鈐轄

次韻送程六表弟

送錢穆父出守越州二首

送程七表弟知泗州

送曹輔赴閩漕

送蹇道士歸廬山

送周朝議守漢州

送千乘千能兩姪還鄉

送周正孺知東川

次前韻再送周正孺

送呂昌明知嘉州

送子由使契丹

送別下

詩五十六首

送岢嵐軍通判葉朝奉 送鄧宗古還鄉

次韻送周山人歸彭城 送仲元貺王元直五首

次韻劉景文送錢蒙仲三首

介亭餞楊傑次公

送表弟程懿叔赴夔州運判

送張嘉州 送程之邵簽判赴闕

送李陶通直赴清溪 送江公著知吉州

送歐陽主簿赴官韋城四首

送歐陽推官赴華州監酒

送歐陽季默赴闕 次前韻送劉景文

送王竦朝散赴闕 送路都曹

新渡寺送任仲微 送馮判朱朝奉入蜀

和趙德麟送陳傳道 送陳伯脩察院赴闕

送張嘉父長官 次韻范淳父送秦少章

送李孝博奉使嶺表 送晁美叔

送陳德林赴真州 送蔣穎叔帥熙河

再送二首

送襄陽從事李友諒歸錢塘

送黃師是赴兩浙憲 送范中濟經略侍郎

送王敏仲北使 送曾仲錫通判如京師

和錢穆父送別并求頓遊酒

送程安常赴闕兼寄子由

次韻王雄州送侍其涇州

追餞正輔至博羅賦詩為別

再用前韻

送鮮于都曹歸蜀灌口舊居

送邵道士彥肅還都嶠

送仲素寺丞致政歸潛山

送蘇伯固劾韋蘇州 送柳宜歸

送都監北歸 跋姜公弼課冊

送柳子玉赴靈山

留別

詩十四首

和董傳留別

和沈立之留別二首

次韻代留別

留別金山寶覺圓通二長老

子由自南都來陳三日而別

過新息留示鄉人任師中

別子由三首

初別子由至奉新作

東府雨中別子由

留別廉守

贛上留別王子立

慶賀

詩十五首

賀朱壽昌郎中得母所在

賀陳述古弟章生子

樂全先生生日以鐵拄杖為壽二首

次韻錢穆父侍祠郊丘 郊祀慶成

次韻王仲至喜雪御筵 表弟程德孺生日

以檀香觀音為子由生日壽

借前韻和子由第四孫 子由生日

以黃子木柱杖為子由生日之壽

聞陝西兵殺西夏

獲鬼章二十韻

無咎生日置酒見留

卷之二十三

遊賞

詩五十六首

和子由踏青

和子由燒蠶市

自金山放船至焦山

遊徑山

冬至獨遊吉祥寺

後十餘日復至

遊道場山何山

病後述古邀往城外尋春

自昌化雙溪館下步尋溪源至治平寺二首

與呂仲甫等同泛湖遊北山

病中遊祖塔院

遊徑山次韻二首

再遊徑山

與梁先舒煥泛舟二首

携妓樂游張山人園

游張山人園

與頓起孫勉泛舟得未字

遊惠山三首

端午遍遊諸寺得禪寺

泛舟城南得人皆苦炎字四首

遶城觀荷得月明星稀字四首

與胡祠部遊法華山

又次韻贈賈耘老

安國寺尋春

雨晴後步至四望亭二首

與子由同游寒溪西山

上巳出游隨所見作句

日日出東門

同王勝之遊蔣山

至真州再和二首

與孟震同遊常州僧舍三首

同秦仲二子雨中遊寶山

與劉景文賞枇杷 又和劉景文韻

遊羅浮山一首示兒子過

遊羅浮道院及栖禪精舍

次韻程正輔遊碧落洞 徐元用同遊浮金堂

上渚吟 重遊終南

杭州遊山

柳子玉以詩見邀同刀文遊金山

射獵

詩五首

會獵葦園 和梅戶曹獵鐵溝

祭常山回小獵 人日獵城南得鳥字

將官雷勝得過字代作

題詠上

詩三十二首

題南溪竹上小詩 和所乘船上小詩八首

寶山書睡 孤山二詠 栢堂 竹閣

跋李留臺與二錢唱和四絕句

書雙竹湛師房二首 寶山新開徑

俞康直郎中所居四詠 退圃 逸堂 遯軒 遠樓

戲書吳江三賢畫像三首 范彖 張翰 陸龜蒙

青牛嶺小寺人迹罕到 留題董儲郎中故居

和孔周翰二絕 再觀邸園留題 觀淨觀堂劾章 蘇州

遊戲馬臺二首

卷之二十四

詩四十二首

書泗州孫景山西軒

題織錦圖上回文三首

書李公擇白石山房

題孫思邈真

歸宜興留題竹西寺三首

惠崇春江晚景二首

書皇親扇

郭明父穎州西齋二首

戲書樂天身心問答後

書丹元子寧極齋

題靈峯寺壁

題馮通直明月湖詩後

和子由岐下二十一詠

和魯人孔宗翰題詩一首

光祿庵

醫藥

詩三首

贈眼醫王生彥若

次韻子由清汶老龍珠丹

紫團參寄王定國

卜相

詩二首

贈善相程傑

贈虔州術士謝晉臣

傷悼

詩四十九首

陸龍圖詵挽詞

胡完夫母周夫人挽詞

姚屯田挽詞

哭歐公僧惠思示小詩次韻

弔天竺海月辯師三首

孔長源挽詞二首

余主簿母挽詞

張文裕挽詞

同年王中甫挽詞

蘇潛聖挽詞

京師哭任遵聖

哭刁景純

弔李臺卿

曹旣見和復次其韻

孔毅夫妻挽詞

任師中挽詞

鄧忠臣母周挽詞

徐君猷挽詞

哭幹兒二首

葉致遠見和復次其韻

張庖民挽詞

王中父挽詞

李獻仲哀詞

蘇子容母陳夫人挽詞

神宗皇帝挽詞三首

潘推官母李氏挽詞

故李承之待制挽詞

韓康公挽詩三首

王鄭州挽詩

哭王子立次兒子追韻三首

滕達道挽詞二首

王文玉挽詞

呂與叔學士挽詞

大行太皇后挽詞二首

聞太后升遐二首

弔徐德占

詩二十一首

山村五絕

八月十五日看潮五絕

臨安三絕 將軍樹 錦溪

石照

東坡

次荆公韻四絕

臂痛謁告作三絕

歌

詩十首

畫魚歌

吳中田婦歎

武昌銅劍歌

密酒歌

又一首荅二猶子與王郎中見和

安州老人食蜜歌

次韻王傳正枯木歌

秧馬歌

真一酒歌

竹枝歌

行

詩三首

鴉種麥竹

鐵溝行贈喬太博

起伏龍行

第二十五卷

雜賦

詩九十五首

歐陽少師令賦所蓄石屏

廣陵會三同舍三首

劉貢父 孫巨源 劉莘老

梵天寺僧守詮小詩次韻

客位假寐

妙庭觀發地得丹鼎二首

送客不及步至溪上二首

讀孟郊詩二首

石炭

雲龍山觀燒得雲字

遊栢山得澤字

戴道士得四字代作

會松江得風字二首

追和林子中寄文與可

初到黃州

雨中熟睡至晚強起

觀張師正所蓄辰砂

往岐亭郡人潘古郭送余

偶至汪氏居仍用前韻

魚蠻子

聞子由為郡寮所摶

和李太白二首

豆粥

漁父四首

題王逸少帖

書林逋詩後

登州海市

遺直坊

玉堂獨坐懷王定國

次韻魯直歲寒知栢

書李端叔詩後

贈劉景文

別諸山作三絕句

到穎公帑已竭齋厨索然

兩歐陽許唱和以此句挑之

歐陽叔弼見訪誦淵明事歎其絕識感而賦詩

喜劉景文至 病中夜讀朱博士詩

沐浴啓聖僧舍與趙德麟邂逅

劉醜厮詩 自笑

和子由次月中梳頭韻

聞子由瘦

客俎無肉又子由勸不讀書

觀棊 糴米

次韻子由浴罷 菊覺

滴居三適三首 夜卧濯足

倦夜 縱筆三首

夜燒松明火

呂承事讀書作詩不已貧甚

聞米元章到送麥門冬飲子

郭綸 御史臺榆槐竹栢四首

繫御史臺獄示子由二首

再和二首 出局偶書

病後醉中 足柳公權聯句

効永叔瑞鷓鴣 問淵明

歸去來集字十首 夜坐與邁聯句

王狀元集百家注分類東坡先生詩目錄終



